

MÉIFOIDIBE SAN JUAN CUEGABE

Segunda Carta de San Juan

Uafue íemo izíruillafue diga llóiticue

¹Ja éicomedicue; ocúraimadicue. Jae Juzíñamui nizeca cue miringo izóidingodio. Bie rabe ómoimo cueticue naa o úruiairi. (Bimaci iglesia daina Juzíñamuimo gairífredino.) Naa o diga afémacina uáfuea izíruiticue, mei dama cúeñedeza. Nana uáfuea onódino daje izói afémacina naa ori izíruitiaioi. ²Ñue uafue ícoinia ómoína izíruiticue. Afe uafue cai comécimo ite; ie mei afefue jaca ninomo cairi ite. ³Moo Juzíñamui ie Jitó cai Ocuíraima Jesucristo diga, ómoína cáimacaitaite. Afémie dúecaillano jamánomo izíruillafuea ómoimo llóite, naa comeci caimare uái illafue diga. Izíruillafuemoná uáfuea nana aféfuiaina cai onótate.

⁴O jitótiaimona dáarie uafue daina izói mácana fidídicue. Afefue cuena íóbitade, mei Moo Juzíñamui daíí cai ocuúdeza. ⁵Miringo izóidingo cacai. Ja birui omo izire jicádicue conímana cai izíruillena. Bie omo cuegafue comue ocuícáfueñede. Mei íadi afefue nanómona caimo ite. ⁶Bie izíruillafue daííacade Juzíñamui ocuilla izói cai finóllena. Ja nanómona omoi cacana izói afe ocuícáfue daide: “Izíruillafuedo omoi macari.”

Jífueriraini ifue

⁷Mei jii, aillo jífueridino bie éniédo macádiaioi. Afémaci Jesucristo ua come izói bíllana uáitatiaioi. Daíítadímie jífueriraíma. Afémie Crístoná uáitaoide. ⁸Afémiemona abí omoi rairuíoiri o táijjinamona oga comeci ñúefue táinocaiñeillena. Iemo jíái afémiemona abí omoi rairuiri nana o táijjina iba ñue Crístoná jaícina óllena.

⁹Níimie Cristo llogáfueмо comécíñeno nibéfodo jáidímie, afémie comécimo Juzíñamui iñede. Mei íadi Cristo llogáuaimo comécíidímie

comécimo Moo Juzíñamui ite, ie Jitó diga. ¹⁰Dámie ómoına llófuiabiadi, íemo bie Cristo llogáfuea atíñeniadi, íena uáidoñoeno, jofo eromo llíinoñoeno omoi iri. ¹¹Iena uáidotimie, afémie lloga íaifue dáafuea llíinoiteza.

Fuizájiuui

¹²Omoına aillo daiíacadicue, mei íadi rabelo cúeiacañedicue. Omoi daní conima uiécomo cue úrizaillena úiñoiticue. Afe daií cai cáimafue jaícina íficaite. ¹³Omoi ebuño izoide benomo ite iglesia daina Juzíñamuimo jaináidino daje izói Juzíñamui nizécamací. Afémaci omoi uai orédiaioi. Jae niie.